



KONTROLLUTVALET I OSTERØY KOMMUNE MØTEUTSKRIFT

Møte: 22. februar 2017 kl. 12.00 – 15.00
Stad: Formannskapssalen, Kommunehuset
Tilstade: Atle Reidar Eide (leiar), Bjørn Tore Sund (vara for Ole Johannes Mjøs), Ann Christin Reigstad (medlem), Audun Mosevoll (medlem) og John Tysse (medlem)
Forfall: Ole Johannes Mjøs (nestleiar)
Innkalla: Rådmann Jostein Førre (til sak 04/17, 05/17 og 06/17)
Frå revisjon: Revisjonssjef Reidar Bjørsvik
Sekretær: Tonje Husum Aarland

01/17 Godkjenning av innkalling og saksliste

Samrøystes vedtak:

Innkalling og saksliste vart godkjent.

02/17 Godkjenning av møteutskrift frå sist møte

Samrøystes vedtak:

Kontrollutvalet godkjenner møteutskrifta frå sist møtet 21.11.16.

03/17 Skriv og meldingar

- a. Årsrapport for 2016, Nordhordland kemnerkontor
- b. Kontrollrapport 2016 vedkommande skatteoppkreverfunksjonen for Osterøy kommune, Skatteetaten

Samrøystes vedtak:

Kontrollutvalet tok skriv og meldingar til vitande.

04/17 Orientering om kommunen sitt kjøp av landbrukseigedom ved Herlandsfossen

Kontrollutvalet tok opp saka under eventuelt, sak 38/16, i sist møte. Det var ønske å få ei orientering frå administrasjonen om kommunen sitt kjøp av landbrukseigedom ved Herlandsfossen og delegeringsmynde til dette.

Rådmann Jostein Førre orienterte i saka og peika mellom anna på at saka er politisk forankra.



Samrøystes vedtak:

Kontrollutvalet takka for orienteringa.

05/17 Orientering om sak 010/16 og 112/16 i Formannskapet

Kontrollutvalet tok opp saka under eventuelt, sak 38/16, i sist møte. Det var ønske om å få ei orientering om formannskapet sin fullmakt til vedtak i hastesaker knytt til sak 010/16 og 112/16 om mottak av flyktningar 2016 og 2017.
FS vedtak 010/16 og 112/16:

FS - 010/16 VEDTAK:

«Osterøy kommune vedtek å ta i mot flyktningar i tråd med Fylkesmannens oppmoding for 2016 og 2017. I tillegg kjem familiegjenforeining.

Formannskapet ber om ei orientering om integrering i Osterøy som vert å leggja fram for heradsstyret.»

FS - 112/16 VEDTAK:

«Tidlegare vedtak om mottak og busetjing av einslege mindreårige flyktningar i 2016 og 2017 vert oppheva og det vert gjort slikt nytt vedtak: Osterøy kommune skal ta i mot og busetje 20 flyktningar i 2017, og av desse ingen einslege mindreårige. Det vert å fremja krav om refusjon for oppstartskostnadene kommunen har hatt med etablering av bufellesskap for einslege mindreårige i 2016.»

Rådmann Jostein Førre orienterte i saka og forklarte mellom anna bakgrunnen for at 112/16 var ein hastesak.

Samrøystes vedtak:

Kontrollutvalet takka for orienteringa. Kontrollutvalet syner til § 13 i Kommuneloven, som seier følgjande:

- «1. Kommunestyret og fylkestinget kan selv bestemme at formannskapet eller fylkesutvalget, et fast utvalg, kommunerådet eller fylkesrådet skal ha myndighet til å treffe vedtak i saker som skulle vært avgjort av annet organ, når det er nødvendig at vedtak treffes så raskt at det ikke er tid til å innkalle dette.
2. Melding om vedtak truffet i medhold av denne paragraf forelegges vedkommende organ i dettes neste møte.»



06/17 Status for kommunen sitt årsrekneskap for 2016

I 2017 er det planlagt politisk gjennomgang i slutten av april og byrjinga av mai av årsrekneskapen og årsmeldinga for 2016. Dei tidlegare åra har endeleg årsrekneskap vore sendt til revisjonen og til kontrollutvalet seinare enn forventa. Kontrollutvalet ønska derfor å følge tettare opp status for årsrekneskapen.

Rådmann Jostein Førre orienterte i saka.

Revisjonssjef Reidar Bjørsvik forklarte rutineane for rapportering om årsrekneskapen til revisjonen.

Samrøystes vedtak:

Kontrollutvalet takka for orienteringa. Kontrollutvalet vil peika på at det er viktig å følge dei tidsfristane som kommunen har satt sjølv. Kontrollutvalet vil minne om at revisjonen må få tilsendt ferdig årsrekneskap i løpet av mars.

07/17 Årsmelding for kontrollutvalet 2016

Saksvedlegg: Utkast til årsmelding for kontrollutvalet 2016

Kontrollutvalet diskuterte årsmeldinga for kontrollutvalet og dei sakene som har vore gjennomgått i 2016.

Samrøystes vedtak:

Kontrollutvalet vedtek årsmeldinga slik den ligg føre.

08/17 Møteplan for kontrollutvalet 2017

Saksvedlegg: Utkast møteplan for kontrollutvalet 2017

Kontrollutvalet diskuterte møtedatoar og faste saker for kontrollutvalet i 2017.

Samrøystes vedtak:

Kontrollutvalet vedtek møteplan slik den ligg føre med desse datoane: 26. april, 7. juni, 27. september og 6. desember.

09/17 Gjennomgang av møtebøker frå politiske utval



Samrøystes vedtak:

Kontrollutvalet hadde ingen merknadar til møteprotokollane.

Kontrollutvalet ber om at kontrollutvalet sine møter og møtedokument publiseras i politisk møtekalender. Kontrollutvalet ønskjer og at politiske møtebøker frå plan- og kommunalteknisk utval, formannskapet og heradstyret vert sendt direkte til både faste og vara medlemmer i kontrollutvalet. Det er og viktig at møtebøker frå politiske utval ligger tilgjengeleg på kommunen sine heimesider.

Kontrollutvalet ønskjer å få ein gjennomgang av rutinane kring møteprotokollar frå politiske utval på eit av dei førstekkommande møta i kontrollutvalet.

10/17 Eventuelt

A. Varslingsrutinar i kommunen

Denne saka vart handsama etter sak 06/17.

Rådmann Jostein Førre orienterte om varslingsrutinane i kommunen og peika på at rutinane er tilgjengelege for dei tilsette og at rutinane er lagt opp etter KS sine anbefalingar.

B. Temadag i Osterøy kommune

Kontrollutvalsmedlem Audun Mosevoll orienterte om temadagen som vart arranger i Osterøy kommune om mellom anna habilitet og delegering.

Samrøystes vedtak:

Kontrollutvalet takka for orienteringane.


Neste møte i kontrollutvalet vert 26. april kl. 12.15.

Saker til neste møte:

- Årsrekneskap og årsmelding for 2016



Osterøy, 22. februar 2017



Atle Reidar Eide, leiar



Tonje Husum Aarland, sekretær